

't Kerkje van Ellesdiek



Oecumenische bieveenkomst

**Mens, wat is dir op joe antwoord?**

15 januari 2017



Uutleg bie de t kenienge.

Het thema is: “Mens, wat is d r op joe antwoord?”

De ronde vurm van de aerde is te zien. De mens is verbonde mie de aerde en mie aolles wat a t’r op leeft.

Jopie Minnaard.

# Liturgie Ellesdiek 15 januari 2017

Thema: “Mens, wat is dîr op joe antwoord?”

Urgelmuziek (Lenie Stokman)

Welkom (Corry Verburg)

(me gae stae)

Zienge Psalm 19 vers 1 en 2

1. Den emel geef God eêr',  
't uutspansel kêr op kêr,  
ze spreke van Zien and.  
A zei den dag gin woord,  
a 't ochendlicht wee gloort,  
krieg t'n een gouwe rand.  
Nacht zeit et tegen nacht:  
doenker ferweêle pracht,  
ik zie in joe Gods glorie!  
Ok zonder taal of mond  
git et de wèrld rond,  
't verhaal van Gods victorie.

2. God ei een tent' ebouwd  
van 'elder schorteblauw  
dî weunt de zunnegloed.  
Zò a een bruidegom  
straelend nae buten komt,  
blie, in z'n goeie goed,  
zò a, gezond en fit,  
een mènes op reize git,  
nèt eênder doet de zonne:  
blienkende gi t'n op,  
git onder, om - toet slot-  
vanover te begunnen.

Durpelgebed	(Rinus Bal)
(me gae zitte)	
Muziek	Blokfluitensemble MarAzul o.l.v. Jolanda Dekkers <i>Aarde en Vuur</i> ( uut ‘de vier elementen’ van Burgthouwt)
Lezieng	Sirach 17:1 – 10 (Corrie de Baar)
Muziek	<i>Sarabande en Bourrée</i> (uut de Rodrigo suite van Händel)
Lezieng	Genesis 1:26 – 31 en Gen. 2:7 (Rie van Kleunen)
Zienge	Lied 154b NLB vers 1, 4, 6 en 10
	1. Eêl de scheppieng, pries den Eêr! Aol die werken, geef Um d’ eêr! Julder engelen in koor “Gloria!”, ziengt et me voor!
	4. Licht en doenker, dag en nacht, straffe winter, zeumer zacht, ieder op z’n eigen tied zieng voe d’ Eêre een nieuw lied.
	6 Aol wat a op d’aerde groeit, wat a uutbot, wat a bloeit is een vreêd moêi lofgedicht: spiegel van zien Angezicht.

10. Aol wa leeft: wees welgemoed,  
loof den Eêre, Ie is goed.  
Zegen Um dan ier en noe,  
wan zien goed' eid zegen joe.

## Overdienkieng

Een stuitje stille weze

Muziek *Ave Maria* (Caccini)  
*Griekse dans* (traditional)

Zienge Lied 26 uut Zingenderwijs

1. De wèrld was nog nie 'emaekt  
en niks ao vaste grond,  
d'r was gin zonne en gin maen',  
gin sterr' of zeê bestong.
2. De wèrld lag in't duuster, twint  
was t'r bie God a licht:  
de wies' eid speelden as Gods kind  
blie voe Zien angezicht.
3. Ze komt ok nae de mènsen toe,  
deêlt uut van wat a z'eit,  
verlicht de geêst, verruunt et art'  
geeft aesem an wie leeft.
4. Die dost eit, kriegt een beker vol,  
die oenger eit, krieg broôd.  
Wan overvloed en gin gebrek  
voorkom geweld en doôd.

5. Eên die mae voe z'n eigen leeft,  
die goed mie kwaed vergeldt,  
verrinneweert aol dat a leeft  
a liefde nie mî telt.
  
6. Mae a je van Gods wies'eid leêrt  
dan tuun je't kwaed wè of.  
Dan krieg j' een leven, ruum en locht':  
zò a God et bedocht.

Voorbeden (Anja Kopmels)

Oanze Vaoder Oanze Vaoder in den emel  
 Joe Naem wor eheiligd  
 Je koninkriek za komme  
 Je wille za geschiede  
 zòwel in den emel as ok op d'aerde.  
 Geef oans heden oans daegelijks broad  
 En vergeef oans oanze schulden  
 Zòas oans ok vergeve die oans wat schuldig bin.  
 En brieng oans nie in verzoeking  
 mae verlos oans van et kwaeje.  
 Want van Joe is et koninkriek  
 en de kracht en de heêrlijkheid  
 tot in eêuwigheid.  
 Amen.

Muziek *Foggy Dew* (Iers traditional)  
*Zeeuws volkslied met variatie*

Collectes D'n eêsten is voe Amecet en de twidden voe de  
 onkosten van de bieeênkomst.  
 In december was de opbriengst voe Amecet 107,20  
 euro en voe de onkosten 113,85 euro.

(me gae stae)

Zienge

Lied 718 NLB aolle verzen

1. God, J' ei 't leven  
oans 'egeve  
uut de aerdse schoôt -  
d' opbriengst è m 'ekrege  
toet Joe'n eêr' en zegen.  
Dank voe 't daeg'lijks broôd.

2. Volle schuren  
zù nie dure;  
Jie geef vruchtbaer' eid -  
nie om te bewaeren  
mè zò da op aerde  
gin mèn's oenger eit.

3. Mèr oans blieke  
neffen rieke  
ok nog vee 'ardleêrs.  
Open oanze oôren  
da m' ok willen oôr' en  
deêle elken kêr.

4. Wil Jie geve  
da oans leven  
zelf ok vruchten draegt.  
Da in oanze daden  
't werk van Joe genade  
groeie kan deur 't licht.

Zegenbede

(me gae zitte)

## Slotwoord

De bieeênkomst is te beluisteren op [www.ellesdiek.nl](http://www.ellesdiek.nl) onder de kop Oecumene.

Ok kan je di de liturgie bekieke.

De volgende oecumenische bieeênkomst is op

zondag 19 februari

Ria Keijzer-Meeuwse za dan de overdienking verzurge

mie as thema ‘Schathemeltjerieke’

en het koor van ‘Mooi Zeeland’ za zienge.